



Mwh gou 4 bi, bae ranz daiq lajmbanj guhcaemz. Miz ngoenz ndeu, gou caeuq Cangh Vaj daengj geij boux lwgnyez doxcaez dik cuzgiuz, gou mbouj siujsim dik aen giuz daengz aennaj Cangh Vaj bae. Gou gipmuengz buet gvaqbae nyinhloek, siengj mbouj daengz de hujdengdeng ndaq gou coenz ndeu, huj dwk gou heiq hwnjfoedfoed. Gou siengj hwnj dax-

meh naeuz gvaq lwgnyez ndaq vunz aiq deng duzdoq ndat, couh siengj bae ra rongz doq ndeu, gyongz rongzdoq hawj duzdoq ndat Cangh Vaj, daeuj gyauq de mbat ndeu. Yienghneix gou couh gyajcang simndei doiq Cangh Vaj naeuz: "Raeuz doxndei ba!" Cangh Vaj doengzeiq lo.

Gou itmienh guhcaemz itmienh laeglemx ra rongzdoq, doeklaeng youq gwnz go faex he raen aen rongzdoq he lo. Gou angq raixcaix, youq laj faex sing hung hemq: "Gyongz rongzdoq lo! Gyongz rongzdoq lo!" Daihgya cungj daeuj yawj nauhyied, Cangh Vaj

童年趣事

mbouj rox gij yungh' eiq gou, hix buet daeuj yawj. Gou bin hwnj faex bae, aeu gaiq faex he daegdaengq gyongz aen rongzdoq daengz naj Cangh Vaj, hwk dwk de doiq laeng geij yamq. Duzdoq mbin okdaeuj lo, daihgya sikhaek buet deuz lo, Cangh Vaj yawj saehcingz mbouj ndei, hix deuz lo.

Mwh gou cingq daekeiq, raen gyoengqdoq mbin coh gou. Gou gag siengj, duzdoq mbouj ndat gou ne, duzdoq cij ndat boux lwgnyez ndaq vunz. Seizhaenx, duz doq he mbin daengz gwnz naj gou. Gou yawj gij yiengh mbouj doiq, ganjip buetdeuz.

Hoeng gaenq ceiz lo, aennaj gou deng duzdoq ndat song mbat, in dwk gou lienz buet daiq ruenz deuz ma ranz. Daxmeh raen gij yiengh diuqgah gou, sim' in dwk cam: "Mwngz baenzlawz la?" Gou dawz saehcingz goek byai gangj hawj daxmeh dingq, daxmeh daejriu mbouj ndaej, naeuz: "Lwg huk ha, gij vah neix dwg vunzhung hwk lwgnyez gyaez ndaq vunz haenx hane." Gou dingq le, cij fwt rox lo.

Ginglig gienh saeh neix le, gou rox aen dauhleix "haih vunz doek-laeng dauq haih swheij" neix lo.

(seiq nienzgaep Cwnz Mingzcwnz)

Mbaet "Vayaeuh" 掐“谎花”

Bi haenx gou caeuq daxmeh caez bae ranz daiq, mwhhaenx cingq dwg vadauz hai va. Daxmeh vix aenggaeuz ndaw ndoeng faexdauz naeuz: "Daxdaiq youq gizhaenx ne, de cingq mbaet va, raeuz bae bang daxdaiq."

Dou byaij bae coh daxdaiq. Gou raen daxdaiq cij mbaet gij va hai ndaej caeux hai ndaej nding haenx. Daxmeh lwnh gou, gij va haenx dwg "vayaeuh", gij va neix yienznaeuz hai ndaej caeux, hai ndaej nding, doeklaeng cix mbouj dawzmak, sai yangjfwng gomak, mboujyawx mbaet de roengzdaeuj guh faenjva. Aenvih vadauz cijmiz ndaej supaeu faenjva, cij dawzmak youh hung youh van.

Yienghneix baenzlawz cij rox duj lawz dwg "vayaeuh" ne? Daxdaiq naeuz gou nyi, itbuen dujva hai ndaej caeux, hai ndaej daegbied nding haenx couh dwg "vayaeuh", itbuen nye va he baihindaw couh miz sam seiq duj.

Gou sawq youq ndaw va ra "vayaeuh". Sawqmwh, gou yawjraen duj "vayaeuh" he lo. Duj va haenx beij gij va henz de hai ndaej hung, dwg duj ceiq gyaeundeix ceiq nding, hoeng duj va neix couh lumj bouxvunz gangj yaeuh ityiengh, yaeuh ndaej seiz he, yaeuh mbouj ndaej daengx ciuhvunz, de cawqdingh gig vaiq couh loenq roengz. Ndigah, dauq mboujyawx mbaet de roengzdaeuj, aeu gij faenjva de cienz hawj gij vadauz ndaej dawzmak haenx supaeu.

Mbaet "vayaeuh" hawj gou rox aen dauhleix he: Vunz siengj guh saehcingz gig lai, hoeng cinglig cix miz hanh, cijmiz cuenggroengz gij saeh mbouj youqgaenj bae, ciensim bae guh gij saeh miz yungh haenx, yienghneix cij guh baenz ciuhvunz gyaeundeix swheij.

(haj nienzgaep Liz Cozyenz)



Seizhah gaenq daeuj-daengz lo, gyoengq doengzhag siengj mbouj siengj gvaq seiqgeiq cungj raeujnit dox-lwnz, lwnz hop dauq heij neix dwg baenzlawz cauxbaenz ne?

Raeuz cungj byoqfeiz gvaq. Dang raeuz cingq doiq aen lozfeiz byoqfeiz seiz, roxnyinh daegbied ndat; caix doiq aen lozfeiz seiz, couh mbouj ndat geijlai lo.

Gizsaed digiuz mwh heux aen daengngoenz goengcienq, diuz sugdeih itcig caeuq naj

Raeujnit Seiqgeiq 冷暖四季

gvejidau ngeng baenz aengok 66 doh 33 faen. Aenvih diuz sugdeih ngeng, dang digiuz youq gwnz gvejidau dieg mbouj doengz, daengngoenz dohsang dwg mbouj doengz. Mwh daengngoenz dohsang hung, daengngoenz cigciuz, gij ndat de couh gyoebcomz, couh lumj cingq doiq aen lozfeiz ityiengh; vanzlij daengngoenz youq byonghmbwn ginggvaq gij loh haemq raez, daengngoenz ciuz seizgan nanz, ngoenz raez hwnz dinj, mbwn couh bietdingh haemq ndat. Fanj gvaqdaeuj, mwh daengngoenz dohsang iq seiz, daengngoenz caix ciuz najdeih, gij ndat faensanq, lumj caix doiq aen lozfeiz ityiengh;

vanzlij daengngoenz youq byonghmbwn ginggvaq gij loh haemq dinj, daengngoenz ciuz seizgan dinj, couh ngoenz dinj hwnz raez, heiqvaen couh daemq, neix couh dwg seiz-doeng. Doengzyiengh dauhleix, daengngoenz dohsang bienq-vaq yingjyangj gyangngoenz doengxaemh dinjraez caeuq vwnhdu sangdaemq, faenbied cauxbaenz seizcin caeuq seiz-cou.

Aenvih digiuz mbouj dingz mbouj duenh ngeng aennang heux daengngoenz baenqcienz, cungj raeujnit neix couh mbouj dingz doxvuenh dwk, yienghneix couh baenz seiqgeiq nit bae ndat dauq lo.

"Fapgyajsiet" Gou Gyaez “假设法”我喜欢

Ndaw dangz suyo, laux-sae hawj dou naemj baihlaj diuz daez neix baenzlawz gejdap.

Aen suenmak he ndaem miz makbingzgoj caeuq makleiz, go soq makbingzgoj dwg goleiz 3 boix. Goenglaux Vangz moix ngoenz dwk bwnh hawj gobingzgoj 50 go caeuq goleiz 20 go. Gvaq geij ngoenz le, goleiz cienzbouh dwk bwnh liux lo, gobingzgoj lij miz 80 go caengz dwk bwnh. Gobingzgoj caeuq goleiz gak miz geijlai go?

Doeg sat diuz daez neix, gou raen gej diuz daez neix

ceiq youqgaenj dwg gouz ok goenglaux Vangz dauqdae dwk bwnh geijlai ngoenz. Sawqmwh, ndaw uk gou baez myab, gou rox baenzlawz guh lo—yungh "fapgyajsiet".

Go soq makbingzgoj dwg goleiz 3 boix, danghnaeuz gyoengqde dwg doengz ngoenz ndeu dwk bwnh sat, goleiz moix ngoenz dwk 20 go, gobingzgoj couh wnggai moix ngoenz dwk bwnh $20 \times 3 = 60$ (go). Saedcaeq dwg, gobingzgoj moix ngoenz dwk bwnh dwg 50 go, caeuq gyajsiet haenx doxbeij, moix ngoenz noix dwk bwnh $60 - 50 =$



10 (go).

Aenvih gomakbingzgoj doeklaeng lij miz 80 go caengz dwk bwnh, ndaej rox goenglaux Vangz dwk bwnh seizgan dwg $80 \div 10 = 8$ (ngoenz). Daj neix ndaej rox gobingzgoj dwg $8 \times 50 + 80 = 480$ (go), goleiz dwg $20 \times 8 = 160$ (go).

Lauxsae yawj gij fapgej gou le, haenx gou gyaez doengh uk ne. (Liuz Swjyiz)